

## Z A P I S N I K

### sa II sjednice Privrednog savjeta općine Bosanska Krupa

Sjednica održana dana 05.03.2019.godine u Zgradi Općine Bosanska Krupa sa početkom u 10,00 sati.

Prisutni:

Privrednici: Sead Mujagić (IBRAHIMOVIĆ d.o.o), Miodrag Adamović (ADACO d.o.o.), Azra Huzejrović (ZAH D.o.o), Zeid Mujić (SMRČA D.o.o.), Dženan Džafić (KRUPA KABINE D.o.o.),

Civilni sektor: Tarik Halkić

JKP „10. Juli“: Nijaz Tatarević

Općina: Halitović Armin- načelnik, Hergić Esma i Veladžić Azra

Odsutni članovi: Mensud Šahinović, Samir Mesić, Dino Zjakić, Tahir Nuhić, Hikmet Todorovac

Ostali prisutni: Kasim Šertović - PR Općine, predstavnici Službe za upravljanje razvojem Aida Šertović i Selma Šehić

#### Dnevni red:

1. Usvajanje Zapisnika sa I sastanka Privrednog vijeća
2. Usvajanje Programa rada za 2019.
3. Informacije o važećim odlukama:
  - Odluka o izmjeni Odluke o komunalnoj naknadi
  - Odluka o komunalnim taksama i Tarifi komunalnih taksa
  - Odluka o administrativnim taksama
4. Program poticaja zapošljavanju i samozapošljavanju (MEG)
5. Diskusija, zaključci

Ad<sub>1</sub> – Sastanak otvorio Sead Mujagić, predložio dnevni red i isti je jednoglasno usvojen. Vezano za Zapisnik sa I sjednice, Načelnik općine je upoznao prisutne da je inicijativa za izmjenu Zakona o turizmu bila tema na sastanku Kolegija načelnika i da je poslana prema nadležnom kantonalnom ministarstvu.

Esma Hergić je upozнала prisutne da je Inicijativa da se u Budžet Općine Bosanska Krupa 2019 uvrsti minimalno 30.000 KM za podršku zapošljavanju ciljnih grupa (žena, mladih, invalida i drugih ranjivih kategorija) poslana Općinskom načelniku i da će biti uvrštena kao dodatni kriterij u javni poziv poslodavcima koji će biti objavljen krajem aprila 2019. godine.

Upućeno je cirkularno pismo osnovnim školama sa prijedlogom za organizovanje posjeta učenika završnih razreda lokalnim firmama u drugoj polovini maja mjeseca 2019. godine, s ciljem promoviranja djelatnosti kojim se one bave.

Zapisnik sa I sjednice usvojen je jednoglasno.

Ad<sub>2</sub> – Esmā Hergić je prisutnima predočila prijedlog Programa rada PS za 2019. godinu uz napomenu da je isti usklađen sa Programom rada JOOU i Općinskog vijeća za 2019. godinu, kao i da su planirane 4 sjednice, po jedna u svakom kvartalu.

Sead Mujagić je komentarisao Pravilnik poticaja u poljoprivredi koji treba da bude tema sjednice u II kvartalu 2019. godine i predložio da se napravi analiza efekata tih poticaja obzirom na dešavanja u uzgoju malina u posljednje dvije godine kada je najveći broj proizvođača smanjio proizvodnju ili potpuno odustao od iste. Njegov prijedlog je da se sredstva usmjere u kulture koje su profitabilne.

Esmā Hergić je predložila da se dio sredstava koja su planirana za poticaje izdvoji za izradu strategije ruralnog razvoja općine.

Miodrag Adamović je postavio pitanje da li Općina Bosanska Krupa ima elaborat o kvalitetu zemljišta na području općine i predložio da, ako nema, da bi bio dobro da se isti uradi zajedno sa strategijom ruralnog razvoja.

Armin Halitović je predložio da se ne raspravlja pojedinačno o predloženim tačkama u Programu već da to bude kada Pravilnik o poticaju u poljoprivredi bude tačka dnevnog reda sjednice. Naglasio je da Pravilnik usvaja Općinsko vijeće i da često na samoj sjednici bude izmjena predloženog Pravilnika na uštrb struke. Prije slanja dokumenta Pravilnik će biti na sjednici Privrednog savjeta, o čemu će se isti očitovati i dati svoje prijedloge. Ono što je evidentno da je osjetan pad zainteresiranosti poljoprivrednih proizvođača za pojedine vrste programa npr. plasteničke proizvodnje koji se nude Općini Bosanska Krupa. Jedan od razloga je obavezno finansijsko učešće aplikanta.

Esmā Hergić je predložila da na istoj sjednici Služba za poljoprivredu pripremi podatke koliko bi koštala izrada elaborata i strategije ruralnog razvoja.

Miodrag Adamović predlaže da se tačka 8. prebaci uz tačku 4. jer su vezane, odnose na istu problematiku.

Sead Mujagić je predložio da se ponovno aktualizira osnivanje ili reaktiviranje Udruženja privrednika i da bude tačka dnevnog reda u III kvartalu.

Esmā Hergić je preuzela obavezu da ponovno kontaktira gosp. Samira Mesića vezano za prijedloge potencijalnih članova koji bi se aktivirali u Udruženju privrednika prema klasterima.

Uz pokretanje inicijative za formiranje Udruženja privrednika, Program rada sa dopunama i izmjenama je jednoglasno usvojen.

Ad<sub>3</sub> – Općinski načelnik je kao izvjestilac predložene tačke dnevnog reda prisutnima prezentirao važeće odluke o komunalnim taksama i naknadama i administrativnim taksama sa uporednim podacima od 2009. godine do danas, naglašavajući da je u odnosu na 2008. godinu kada je ukupno ostvareno 450.000 KM došlo do smanjenja priliva u 2009. godini i iznosilo 250.000 KM, u narednim godinama je ta vrijednost varirala tako da u 2018. godini izvršenje iznosi oko 350.000 KM, od čega preko 100.000 KM se ostvari od mobilnih operatera i igara na sreću.

U prošloj godini je prije imenovanja Savjeta u novom sastavu pripremljena izmjena Odluke o komunalnim naknadama i došlo je do promjene obračuna, bilo je pojedinačnih reakcija, nakon čega je Organ uprave ispravio uočene nepravilnosti i izmijenio Odluku. Ono što treba naglasiti je da je prilikom javnih rasprava ovih dokumenata prisutan veoma mali broj građana

i onda se dešavaju reakcije nakon provedene procedure izmjene odluka. Što se tiče komunalnih naknada za stanovništvo, Općina Bosanska Krupa je jedina općina u kojoj se ne vrši naplata istih. Započet je terenski rad komisija na prikupljanju podataka za obračun komunalni naknada. Obračun za stanovništvo će početi u 2020. godini. Prema važećoj odluci o komunalnim naknadama Općina Bosanska Krupa ima najniže naknade u odnosu na ostale općine Kantona. Iz ovih sredstava se održava javna rasvjeta, zelene površine, zimska služba koja se svake godine proširuje na veći broj puteva a sredstva se ne povećavaju. Načelnik je pozvao sve prisutne poslodavce da se što aktivnije uključe u izmjene ovih odluka koje budu pripremane u drugoj polovini ove godine jer je interes Općine da se na transparentan način one donose.

Dženan Džafić je u diskusiji napomenuo da je vrlo važno da obveznici budu detaljno obaviješteni o tome u koju namjenu se koriste sredstva prikupljena iz komunalnih taksa i naknada.

Sead Mujagić je predložio da se komunalne takse obračunavaju prema granama, bez obzira na veličinu istaknute firme.

Miodrag Adamović smatra da bi takse trebale ostati iste ili se smanjiti ali da se komunalna naknada obračuna po detaljno utvrđenim kriterijima po površini i zonama. Predlaže da općinske službe nadležne za pružanje informacija i obavještenja korisnicima usluga putem mailova obavještavaju poslovni sektor o svim važnim sastancima, raspravama i sličnim događajima, kako bi oni imali aktuelne informaciju o svemu.

Sead Mujagić je sugerisao da se prilikom izrade odluka razmisli o stimulaciji postojećih privrednika kroz obračun taksa i naknada i predložio zaključak da se prije nacrtu Budžeta za 2020. godinu pripremi Odluka o komunalnim taksama, provede javna rasprava u IV kvartalu.

Jednoglasno je primljena na znanje informacijama o odlukama uz navedeni zaključak.

Ad<sub>4</sub> – Izvjestilac Azra Veladžić je informirala prisutne o aktulnom javnom pozivu koji je u fazi realizacije potpisanih ugovora sa poslodavcima i najavila prisutnim da će do kraja aprila biti raspisan novi javni poziv. U pripremi je novi aplikacioni obrazac tako da je važno da Privredni savjet predloži koje djelatnosti treba podržati kroz novi javni poziv.

Nakon diskusije prisutnih prijedlog je da se objavi poziv za obrtnike i fizička lica uvažavajući preporuke za poticaje određenih kategorija. Ako ne bude dovoljan broj aplikanata po ovom pozivu da se isti proširi i na d.o.o

#### **Zaključci:**

Z1: U Pravilniku o poticajima u poljoprivredi planirati sredstva za izradu pedološke analize tla i Strategije ruralnog razvoja općine Bosanska Krupa.

Z2: Ponovno pokrenuti aktivnosti na formiranje/reaktiviranje Udruženja privrednika, zadužena Služba za upravljanje razvojem

